

Gvangjsih Minzcuz Bau

ganhhau: CN45-0036 B.2016 Nd.1 Ng.20 liggaeuq ietfeih nienz ndwenlab cib'it

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3208期

Aen Hoih 2016 Nienz Daengx Gih Hong Minzcuz Yijvwnz Hidungj Youq Namzningz Hai

2016 年全区民族语文系统工作会议在南宁召开

Bonjbauq siusik (gicej Liengz Cingz) 1 nyied 12 hauh, aen hoih daengx gih hong minzcuz yijvwnz hidungj youq Namzningz hai. Swcigih Minzyiveij、Minzyijveij cujyin Luz Yenbenj camgya haihoih caemhcai gangvah, aen hoih neix yinvu youqgaenj dwg nyinhcaen gvancez Siz Ginbingz cungjsuhgi baenzdauq youqgaenj gangvah cingsaenz caeuq cingsaenz aen hoih hong minzcuz

Cunghyangh、Swcigih, cungjez “cibngeih haj” caeuq bi 2015 Guengjsae hong minzcuz vah saw, yenzgiu anbaiz “cibsam haj” caeuq bi 2016 hong minzcuz vah saw.

Aen hoih giengzdiuh, aeu cietsaed guh ndei gak hangh hong. Laebdin gih raeuz cingzgvang, roxyiuj seizsei, cietsaed gyagiengz guh ndei hong minzcuz vah saw youq seizsei moq, roxnyinh gaenjigip caeuq cwzyin naek.

Dauqyawj doenghbaez, haengj-dingh cingzcik, laebhwnj saenqsim caeuq gietsim guh ndei seizgeiz moq hong minzcuz vah saw. Roxdingh lohnaemj、doed ok cungdenj, roengzrengz doidoengh seizgeiz moq hong minzcuz vah saw aeundaej cingzcik moq. Gyagiengz lingjdauj, doxgiat dox-gap guh, guhbaenz seizgeiz moq hong minzcuz vah saw hablig giengzak.

Gih Raeuz Caux Aennyenz Seiogyaiq Ceiq Hung Ndaej Giznizswih Seiogyaiq Gijluz



广西造世界最大铜鼓 获吉尼斯世界纪录

1 nyied 16 hauh, Giznizswih seiogyaiq gijluz bingzsaemj hozdung youq Gveilnz Si Yangzsoz Yen banh, aennyenz hung naek 7 dun, sang 2.6 mij, ciggingq 4.2 mij haenx, youz Guengjsae feihvuzciz vwnzva yizcanj “dinfwngz caux aennyenz Bouxcuengh” daihyaujsing bouxswnj-cienz Veiz Gijcuh、Veiz Gijcanh daiqlingx dajveh anbaiz cauxguh, gingvay 20 boux gunghyinz bueng bi couqcaux guhsat, ndaej Giznizswih seiogyaiq gijluz, dwg seizneix seiogyaiq aennyenz ceiq hung. Ndaw doz dwg Giznizswih seiogyaiq gijluz bingzsaemj hozdung yienhciengz.

(Vangz Swhcang/王滋创 Dangz Gvangjdungh/唐广东)

Swcigih Minzyijveij Hai Hoih Saemjdingh Namzningz Si Gvejddau Gyaudoeng Camhmingz Sawcuengh Fanhoiz

自治区民语委召开南宁市轨道交通1、2、3号线站名壮文翻译审定会

Dangqnaj, Namzningz Si gvejddau gyaudoeng 1、2、3 hauhsienq Sawgun camhmingz, Namzningz Si Cwngfuj gaenq baefuk. 1 nyied 18 hauh, ciuq Namzningz Si Minzyijveij iugouz, Swcigih Minzyijveij ciuhai hoisaejmjdingh Namzningz Si gvejddau gyaudoeng 1、2、3 hauhsienq camhmingz Sawcuengh fanhoiz. Swcigih Minzyijveij fucujyin Vangz Cenzcungh cujiz haihoih, de yiengq gyoengq lauxhangz daeu haihoih haenx lwnh gij cingsaenz “Aen Hoih 2016 Nienz Daengx Gih Hong Minzcuz Yijvwnz Hidungj”. Swcigih Minzyijveij Minzcuz Yijvwnz Gunghcoz Lauxhangz Swhsinz Veijyenvei mizgven lauxhangz、Gvangjsih Sawcuengh Hagdangz、Gvangjsih Mingzcuz Bause、Gvangjsih Sam Nyied Sam Cazcise、Gvangjsih Minzcuz Cuzbanjse caeuq Swcigih、Nanzningz Si Minzyijveij daengj yaek 20 vunz camgya

haihoih.

Gyoengq lauxhangz daeu camgya haihoih haenx, doiq 2015 nienzdaej Swcigih Minzyijveij cujiz ciuhai “Hoihbingzsaemj Namzningz Deihdiet Geiqhauh Dazyinx Sawcuengh fanhoiz” saemjdingh 1 hauhsienq le, miz mbanj Sawgun camhmingz lij miz bienqdoengh, Sawcuengh fanhoiz hix aeu riengz guh saemjdingh. Doengzseiz, doiq 2、3 hauhsienq camhmingz Sawcuengh fanhoiz guh saemjdingh.

Gingvay gwnz hoih gyoengq lauxhangz doxcwngq doxyaeng, ndaej ok bingzsaemj yawjap: It dwg fanhoiz doengyungh cwnghueh camhmingz seiz, caenhliengh yungh sawloih minzcuz、sawloih lauxciq, lumjbaenz: “站”“大道”“路” faenbied fanhoiz baenz “camh”“daihloh”“roen”; “东路”“西路”“南路”“北路”“中路” faenbied fanhoiz baenz “roen doeng”“roen

sae”“roen namz”“roen baek”“roen yang”. Ngeih dwg cienmonz cwnghueh camhmingz cujyau ciuqei 《Aenbiuj Swzciq Sawgun Moq Yijyinh Cienjsij》hengzguh yaemhoiz. Sam dwg cihmeh Sawcuengh ndaej cienzbouh daihsij roxnaeuz moix aen swz daih' it cih cihmeh daihsij, gizyawz cihmeh siusij. Seiq dwg gij hingzsiq vangsij Sawcuengh baiz youq baihgwnz Sawgun; gij hingzsiq daengsij Sawcuengh baiz youq baihgvas Sawgun, cihmeh Sawcuengh ndaej yungh gij sikyiengh swnhcimcung cienq 90° baizbanj daeu sij.

Gij guhfap cawqleix gvejddau gyaudoeng 1、2、3 hauhsienq camhmingz Sawcuengh fanhoiz neix, baezlaeng youq hengzguh hong Sawcuengh fanhoiz roenmingz、camhmingz、geiqhauh dazyinx caeuq byauhyij ndawde ndaej ciuqei.

(Luz Yaujli)

SIUSIK DINJ

简讯

● Gaenh geij bi neix daeu, Bingzgoj Yen hopheux vunzlai gungzhoj laisou muzbyauh, gaenxmaenx doihengz canjnieb bangcoengh cwngcwz, gyalai nungzyez canjnieb gezgou diuzcingj ligdoh, aeu nonsei、laj ndoengfaex ciengx gaeq、makit daengj guh cawjdauj canjnieb, giendingh guh ak “it yangh it yiengh” nungzyez canjnieb, haenqrengz hwngfat canjnieb ciengx ndaem miz daegsaek, cauxlaeb vunzlai gungzhoj laisou dohyenzva gwzgiz moq.

(Vuz Anhinh)

● Ngoenzgonq, Lungzswng Gak Cuz Swciyen minzcuz cungsim gvancangz hong gajguh gya'hung guhsat caemhcai cingqsik haindu yungh. Aen gvancangz neix ciemqdieg 6391 bingzfuengmij, gungh bued cien 8500 fanh maenz, faen baenz lajdieg caeuq gwnzdieg song bouhfaenh, vih siminz daezhawj aen seizhoengq hozdung ciengzdieg bienh minz leih minz he.

(Banh Cisiengz Vuz Cunhlingz)

● Gaenh geij bi neix daeu, Cauhbingz Yen gyalai doiq canjbieb mak bangcoengh ligdoh, cungdenj dajcaux byauhcanjva baenzbenq mak-gamdiengz、makit、makbugdiengz daengj dajndaem swnghecanj sifan gihdi, doengzseiz sonyinx vunzlai dajcaux nungzgya guh'angq lijyouz gihdi aeu swnghdai ngonzyawj gingjsaek mbaetmbit guhcawj haenx, hawj “lajmbanj youzcet mbaetmak” baenz canjnieb youqgaenj bouxguhnaz laisou baenzfouq.

(Liuz Feih Hoz Mingz)

● Daj seveicujyi hwzsinnh gyaciz-gvanh haeu hagdangz hozdung haiguh daeu, Cingsih Si yawjnaek senhconz gyauyuz、sifan yinxlingx、saedguh lienhbaenz doxcaez dungyiz, gak cungh siuj hagdangz doengvay laebbaenz senhconzlanz、banjbau、doegsaw gyauyuz hozdung daengj fuengsik yinxlingx daengx si lauxsae hagseng gunganq caeuq hengzguh seveicujyi hwzsinnh gyacizgvanh, hozdung haiguh lai cungj lai yiengh.

(Hij Cunghliuz)

● 1 nyied 15 hauh, Lingzyinz Yen Minzsuz Lizsij Bozvuzgvanz hai gvanj caemhcai doiqrog haicuengq. Aen gvanj neix ciemqdieg 4503 bingz-fuengmij, vwnzvuz baijbouh faen baenz lai cungj minzsuz、Lingzyinz bienvay hungloet、laeuaennyenz canjgih daengj bouhfaenh, baijbouh yungh conzdungj gisuz caeuq yienhdaih gohyoz gisuz doxcaez giethab, doengvay caenhuq、siengqdeu、dozbenq daengj, hawj bouxyawj engqgya cigciep roxyiuj Lingzyinz.

(Siuh Fazlingz Vangz Yenzyungz)